



КАНОНИК В РАЗЛИЧНЫХ НУЖДАХ



Книжка по Святой Троице
Книжка по Господу
Книжка по Святому Духу
Книжка Ангелов и Архангелов
Книжка святых
Помощники на Псалтири по роуманию

Сборник

Канонник в различных нуждах

Текст предоставлен правообладателем

http://www.litres.ru/pages/biblio_book/?art=43454539

Канонник в различных нуждах: Сатишь; Санкт-Петербург; 2007

ISBN 5-7373-0234-2

Аннотация

Этот сборник канонов – второе, исправленное и дополненное издание – предлагается для келейного (домашнего) употребления. Каноны, вошедшие в него, – о самых насущных духовных и житейских нуждах. Да услышит Всеблагий Господь наши молитвы.

Содержание

Предисловие	6
Канон ко Святой Троице	9
Каноны ко Господу	16
Канон Рождеству Христову	16
Канон Обрезанию Господню	24
Канон Богоявлению	30
Канон Сретению Господню	37
Канон Входу Господню в Иерусалим	44
Канон в Неделю Святой Пасхи	51
Конец ознакомительного фрагмента.	54

Канонник в различных нуждах



*По благословению
Митрополита Санкт-Петербургского и Ладожского*

ВЛАДИМИРА

Этот сборник канонов – второе, исправленное и дополненное издание – предлагается для келейного (домашнего) употребления. Каноны, вошедшие в него, – о самых насущных духовных и житейских нуждах.

Да услышит Всеблагий Господь наши молитвы.

Предисловие



Благочестивые братья и сестры!

Для молитвенного предстояния Бóгу вам предлагается этот сборник канонов. Составлен он так, что вошедшие в него каноны отвечают самым насущным духовным и житейским запросам. Предназначен сборник для домашнего (кейного) употребления.

Для тех, кто только недавно обратился к молитвенному деланию, сообщаем некоторые необходимые сведения.

Итак, канон¹ является одной из древнейших форм церковных молитвословий и песнопений. Составление первых канонов относится к VII веку. Канон – целостное произведение, строго определенной структуры, состоящее из разных по форме молитвословий.

Канон является важной частью православного богослужения, он включается в службу утрени. Тропари праздничных канонов повествуют о празднуемом событии, раскрывают во всей глубине богословское значение каждого праздни-

¹ Слово «канон» в широком смысле означает правильность, верное следование закону.

ка, восхваляют Господа, Божию Матерь (Ей обычно посвящаются заключительные тропари канонов, которые поэтому называются *богородичными*). Именно канон наиболее полно и подробно раскрывает содержание праздника.

Канон состоит из девяти песней, по числу высших ангельских чинов. В начале каждой песни – **ирмос**. Ирмос – стих, содержащий прообразовательные слова Ветхого Завета и предваряющий **тропари** песни. Тропари – стихи, несущие главное содержание песни и соответствующие ирмосу.

Вторая песнь выражает особо напряженные и суровые обличения предательства и неблагодарности богоизбранного народа – израильтян (Моисеева песнь). Эта песнь поется только во время Великого Поста, в обычное же время опускается. Поэтому за первой песнью канона сразу следует третья.

К канонам также присоединяются **седальны** и **светильны**.

Седален – песнопение, во время которого верующим дозволялось садиться.

Светилен – песнопение с мольбою о просвещении свыше. В целом же канон есть особо выстроенное духовное воззвание молитвенника к Богу с прошением и благодарением. Должно сказать, что каноны издревле весьма и весьма почитались и использовались в молитвенной практике Вселенской Церкви и, в частности, Русской Православной Церкви. Да услышит Всеблагий Господь наше молитвенное при-

ношение и да подаст нам все доброе и полезное.

Канон ко Святой Троице

На 50-й день после Пасхи

Глас 4-й

Песнь 1

Ирмос: Божественным покровен медленноязычный мраком, извитийствова Богописанный закон: тину бо отряс очесу умнаго, видит Сущаго, и научается Духа разуму, хваля Божественными песнями.

Припев: Пресвятая Троице Боже наш, слава Тебе².

Рекбша чистая и честная уста: разлучения вам не будет, о друзи! Аз бо на Отчем вышнем Престоле соседя, излюб Духа, возсияти желающим благодать независтную. (*Дважды.*)

Слава: Предел прешедшее истиннейшее Слово, тихообразно совершает сердце: дело бо скончав, возвесели други, дыханием нужным и огненными языки, подав Духа Христос, якоже обещася.

² В канонах припев, как молитвенное воззвание, произносится перед первым и вторым (и третьим, когда он есть) тропарем каждой песни, но не читается перед тропарями, начинающимися со «Слава...» («Слава Отцу и Сыну и Святому Духу») и «И ныне...» («И ныне и присно, и во веки веков. Аминь»).

И ныне: Предел прешедшее... (Повторить предыдущий тропарь.)

Песнь 3

Ирмос: Разверзе утробы нечадствовавшия узы, досаду же неудоботерпиму благочадствующия, едина молитва пророчицы древле Анны, носящия дух сокрушен, к Сильному и Бóгу разумов.

Непостижима есть Богоначальнейшая: вития бо изъяви безкнижняя, рыбаи премудрыя, заушающия словом, и от глубокия нощи изымающия люди безчисленны, блистанием Дúха. *(Дважды.)*

Слава: Бяше исходен от нерожденна Света, всесильный сияющий Свет, Егóже Сыном Отеческаия власти, ныне являет срасленное озарение, огненный глас в Сионе языком.

И ныне: Бяше исходен... (Повторить предыдущий тропарь.)

Седален, глас 8-й

Спасовы рачителие радости исполнишася, и дерзновение прияша, прежде боящиися: я́ко

Дух Святы́й днесь свыше сниде на дом ученический, и ин иная глаголаше к людем. Языцы бо разсеяшася, видими я́ко огонь: и сих не опали, но па́че ороси.

Песнь 4

Ирмос: Царю царей, яковый от яковаго Един Слове произшедый от Отца безвиновнаго, равномошнаго Твоего Духа апостолом истинно послал еси, яко Благодетеля поющим: слава державе Твоей, Господи.

Баню Божественную пакибытия словом растворив, сложенное естество, дождоточиши ми струю от нетленнопрободеннаго Твоего ребра, о Божий Слове, запечатлея теплотою Духа. (*Дважды.*)

Слава: Прекланяют вся Утешителю колена, Сыну же Отцу, Отцу срасленному, в Лицах бо видеша трегубых Существо же истинное, неприкосновенное, безлетное, единое: возсия бо свет благодать Духа.

И ныне: Да исполнятся вси богоначальнейшим, елицы служителие Трисветлаго Существа: паче естества бо совершает яко Благодетель, и огнесветит Христос во спасение, всю дая благодать Духа.

Песнь 5

Ирмос: Решительное очищение грехов, огнедухновенную примите Духа росу, о чада светообразная церковная. Ныне от Сиона бо изыде закон, языкоогнеобразная Духа благодать.

Якоже благоволи самовластно, необладанный исходит Дух от Отца, умудряя в языцех апостолы, печатлея живоносное

слово, отчесильное, сообразное, егоже Спас рече. (*Дважды.*)

Слава: Да исцелит убо смысл от греха, и се устрояше апостолов, Бог Слово Всеначальное, пречистый дом, в немже единомощнаго же и ссущественнаго ныне вселяет Духа свет.

И ныне: Да исцелит... (*Повторить предыдущий тропарь.*)

Песнь 6

Ирмос: Очищение нам Христé и спасéние, Влады́ко, возсиял от Дéвы, да я́ко пророка от зверя морскаго персей Иону, от тли исхитиши всегó Адама всеродна падшаго.

Истинный нам правый во утробах вечно приимшим Дух, да обновиши Отчеисходный, и всесовокупленно, вещества ненавистнаго палительный скверн, нечистоты же смыслов очистительный, Вседержителю. (*Дважды.*)

Слава: Желательное достояние апостолом, сионяном, чающим Твоегó пришествия, познание, Дух Отчерожденна Слова, речь жестокою языческих ласкательств скоро показав, огнедохновенно утверждаеши.

И ныне: Желательное достояние... (*Повторить предыдущий тропарь.*)

Кондак, глас 8-й

Егда снизшед языки слия, разделяше языки Вы́шний: егда же огненныя языки раздаяше, в соединение вся призва, и согласно славим Всесвятаго Духа.

Икос

Скорое и известное даждь утешение рабом Твоим, Иисусе, внегда унывати духом нашим, не разлучайся от душ наших в скорбех, не удаляйся от мыслей наших во обстояниих. но присно нас предвари. Приблизися нам, приблизися, везде Сый, якоже со апостолы Твоими всегда еси, сице и Тебѣ желающим соедини Себе, Щедре, да совокуплени Тебѣ поем, и славословим Всесвятаго Духа Твоего.

Песнь 7

Ирмос: Согласно возшуме органская песнь, почитати златосотворенный бездушный истукан: Утѣшителя же светоносная благодать почествует, еже вопити: Троице Единая, равносильная, Безначальная, благословѣна еси.

Гласа пророковещательнаго не разумевше, глаголаху безумнии виносотворенное пьянство, речи яко странны слышаша апостолов: благочестивии же Тебѣ вопием божественно: Благодетелю всех благословѣн еси. (*Дважды.*)

Слава: Божественное учение возгреме видяй видения Божественнымъ Иоиль, Богоначальнейшаго, имже излию, рек, якоже Слова, Духа Моёго свозопиющим: Естество Тривещанное Светлое, благословѣн еси.

И ныне: Троичную убо раздели зря благодать, яко да явит три Ипостаси, почитати в простоте власти, но во едином ны-

не дни Господском, Сын, Отец и Дух благословён.

Песнь 8

Ирмос: Разрешает узы, и орошает пламень трисветлый Богоначалия образ, поют отроцы, благословит же Единаго Спаса и Вседетеля, яко Благодетеля, сотворенная всяческая тварь.

Память Христос человекоспасительных словес, яже от Отца слышав апостолом рече, Дух устроит языкоогненным видением, посаждая благословенно усвоенную, учуженная же поет Тя тварь. (*Дважды.*)

Слава: Спасительно самовладычный Един, Свет самосиятельный, и подательный света сый, пришел еси исполняя апостолы, Честный, яко верх Твоим рабом, насытителный же Дух подаваеши.

И ныне: Пояху пророк духонасыщенная уста, Твое телесное, о Царю, пришествие, и Дух, от недр Отчих произшедший, Несозданный, Зданнодетелен, сопрестолен Тебе, единого вочеловечения верным честь.

Песнь 9

Ирмос: Радуйся, Царице, матеродевственная славо: всяка бо удобообращательная благоглаголивая уста витийствовати не могут, Тебе пети достойно: изумевает же ум всяк Твое Рождество разумети. Темже Тя согласно славим.

Пети подобаше естественнoжизненную Отроковицу: Еди-на бо во чреве скры Слово, таящееся недугующаго челове-ческаго естества. Иже в десных странах ныне седяй Отчих, посла Благодать Духа. *(Дважды.)*

Слава: Елицем дхну боготочная благодать, светящеся, блистающе, изменяеми странным изменением благолепней-шим, равносильствующую несекомуу уведевше премуд-рость, Трисветлое Существо славим.

И ныне: Елицем дхну... *(Повторить предыдущий тро-парь.)*

Светилен

Всесвятый Душе, исходяй из Отца и Сына пришедый к бескнижным учеником, Тебе Бога познавших спаси и по-милуй всех.

Слава, и ныне: Свет Отец, свет Слово, свет и Святый Дух, иже во языцех огненных апб столом послася, и тем весь мир просвещается Трбицу почитати Святую.

Каноны ко Господу

Канон Рождеству Христову

25 декабря (7 января)

Глас 1-й

Песнь 1

Ирмос: Христос раждается, славите; Христос с небес, срящите; Христос на земли, возноситеся. Пойте Господеви вся земля, и веселием воспойте людие, яко прославися.

Припев: Слава, Господи, Святому Рождеству Твоему.

Истлевша преступлением, по Божию образу бывшего всего тления суца, лучшия отпадша Божественнымя жизни, паки обновляет Мудрый Содетель, яко прославися.

Видев Зиждитель гиблема человека, руками егоже созда, приклонив небеса, сходит. Сего же от Девы Божественнымя Чистыя, всего осуществляет, воистинну воплощься, яко прославися.

Слава: Мудрость, Слово и Сила, Сын сый Отчий и Сияние, Христос Бог, сил утаився, елико премирных, и елико на

земли, и вочеловечься обновил есть нас, яко прославися.

И ныне: Мудрость, Слово... (Повторить предыдущий тропарь.)

Песнь 3

Ирмос: Прежде век от Отца рожденному нетленно Сыну, и в последняя от Девы воплощенному безсеменно, Христу Богу возопиим: вознесый рог наш, Свят еси Господи.

Иже дохновения причащся лучшаго, Адам перстный, и к тлению поползся женскою лестию, Христа от Жены видя, вопиет: Иже мене ради по мне быв, Свят еси Господи.

Сообразен брэнному умалению растворением Христе быв, и причастием плоти горشيا, подав Божественнаго естества, землен быв, и пребыв Бог, и возвысивый рог наш, Свят еси Господи.

Слава: Вифлееме веселися, князей Иудовых сый Царь: Израиля бо пасый, на рамех Херувимских, из Тебе пройде Христос яве: и вознесый рог наш, над всеми воцарися.

И ныне: Вифлееме веселися... (Повторить предыдущий тропарь.)

Ипакои, глас 8-й

Начаток языков, небо Тебе принесе, лежащему Младенцу во яслех, звездою волхвы призываый, яже и ужасаше, не скипетры и престоли, но последняя нищета: что бо худше

вертепа, что же смиреншее пелен? В нихже просия Божества
Твоего богатство: Господи, слава Тебе.

Песнь 4

Ирмос: Жезл из корене Иессеова, и цвет от него Христэ,
от Девы прозябл еси, из горы хвальный приосененная чаши,
пришел еси воплощся от Неискусомужная, Невеществен-
ный и Бóже: слава силе Твоей, Господи.

Егоже древле прорече Иаков, языков ожидание Христэ, от
колена Иудова возсиял еси, и силу Дамаскову, Самарийскую
же корысть пришел еси испроврещи, лесьть пременяя в веру
боголепну: слава силе Твоей, Господи.

Волхва древле Валаама словес ученики, мудрыя звездоб-
люстителы, радости исполнил еси, звезда от Иакова возсияв
Владыко, языков начаток вводимый, приял же еси яве: слава
силе Твоей, Господи.

Слава: Яко на руно во чрево Девы сшел еси дождь, Хри-
стэ, и яко капли на землю каплющия. Ефиопия и Фарсис, и
Аравийстии острови же, Сава, Мидов всю землю держащии,
припадоша Тебе, Спасе: слава силе Твоей, Господи.

И ныне: Яко на руно... (Повторить предыдущий тро-
парь.)

Песнь 5

Ирмос: Бог сый мира, Отец щедрот, Великаго Совета

Твоего Ангела, мир подавающа, послал еси нам: тем Богоразумия к свету наставльшися, от ноши утренююще, славословим Тя, Человеколюбче.

В рабех кесаревым повелением написатися покорься, и нас рабы сущия, врага и греха свободил еси, Христе; весь же по нам обнищав, и перстнаго от самага единения и общения богосоделал еси. *(Дважды.)*

Слава: Се Дева, якоже древле рече, во чреве приемши, родила есть Бога вочеловечшася, и пребывает Дева. Еяже ради примирившися

Богу грешнии, Богородицу сущую воистинну вернии воспоим.

И ныне: Се Дева... *(Повторить предыдущий тропарь.)*

Песнь 6

Ирмос: Из утробы Иону младенца изблева морской зверь, якова прият: в Деву же всельшееся Слово, и плоть приемшее, пройде сохраншее нетленну. Егбоже бо не пострада истления, Рождшую сохрани неврежденну.

Прииде воплощся Христос Бог наш из чрева, Егбоже Отец прежде денницы раждает: правления же держа пречистых сил, в яслех скотиях возлежит, и пеленами повивается, разрешает же многоплетенныя пленицы прегрешений. *(Дважды.)*

Слава: Юно из Адама Отроча смешения, родися Сын, и верным дадесе; будущаго века сей есть Отец и Начальник, и нарицается Великаго Совета Ангел: Сей Крепок Бог есть, и держай областию всю тварь.

И ныне: Юно из Адама... (Повторить предыдущий тропарь.)

Кондак, глас 3-й

Дева днесь Пресущественнаго раждает, и земля вертеп Неприступному приносит. Ангели с пастырьми славословят, волсви же со звездою путешествуют: нас бо ради родися Отроча младо, Превечный Бог.

Икос

Едем Вифлеем отверзе, приидите видим, пищу в тайне обретохом: приидите, примем сушая райская внутрь вертепа. Тамо явися корень ненапоен, прозябая отпущение: тамо обретесе кладязь неископан, из негоже Давид пити древле возжадася. Тамо Дева рождши Младенца, жажду устави абие Адамову и Давидову. Сего ради к Нему идем, где родися Отроча младо, Превечный Бог.

Песнь 7

Ирмос: Отроцы благочестию совоспитани, злочестиваго веления небрегше, огненнаго прещения не убояшася, но посреди пламене стояще пояху: отцев Бóже благословен еси.

Пастырие свиряюще, ужасно светоявление получиша: слава бо Господня облиста их, и Ангел, воспойте, вопия: яко родися Христос, отцев Бог Благословенный.

Внезапу с словом Ангеловым небесныя воинства, слава, вопияху, Богу в вышних, на земли мир, в чловецех благоволение: Христос возсия, отцев Бог Благословенный.

Слава: Глагол, что сей, рекоша, пастырие? Прешедше увидим бывшее, Божественнаго Христа, Вифлеема же дошедше, с Рождшею поклоняхуся, воспевающе, отцев Боже, благословен еси.

И ныне: Глагол, что сей... (Повторить предыдущий тропарь.)

Песнь 8

Ирмос: Чуда преестественнаго родоотельная изобрази пещь образ, не бо яже прият палит юныя, яко ниже огонь Божества Девы, в Нюже вниде утробу. Тем воспевающе воспоем: да благословит тварь вся Господа и превозносит во вся веки.

Влечет вавилоня дщи отроки плененныя Давидовы от Сиона к себе, дароносцы же слет волхвы дети, Давидове Богоприятней Дщери молящияся. Тем воспевающе воспоем: да благословит тварь вся Господа, и превозносит во вся веки.

Органы уклониша плачевныя песни, не пояху бо в земли

чуждей отроцы Сионовы: вавилонскую же разрешает лесть всю и мусикийския составы, в Вифлееме возсияв Христос.

Тем воспевающе воспоим: да благословит тварь вся Господа, и превозносит во вся веки.

Слава: Корысти Вавилон царства Сионя, и плененное богатство прият: сокровища же

Христос в Сион сего, и цари звездою наставляя звездоблюстители влечет. Тем воспевающе воспоим: да благословит тварь вся Господа и превозносит во вся веки.

И ныне: Корысти Вавилон... (Повторить предыдущий тропарь.)

Песнь 9

Ирмос: Таинство странное вижу и преславное; небо, вертеп; Престол Херувимский, Деву; ясли, вместилище, в нихже возлеже невместимый Христос Бог, Егже воспевающе величаем.

Изрядное течение зряще волсви необычныя новыя звезды новосияющия, небеса просвещающия, Христа Царя знаменующия на земли рождагося в Вифлееме на спасение наше.

Новорожденное, волхвом глаголющим, Отроча Царь, Егже звезда яви, где есть? Тому бо поклонитися приидохом; яряся Ирод смущашеся, Христа убити, богоборец шатався.

Слава: Испыта Ирод время звезды, еяже вождением вол-

сви в Вифлееме покланяхуся Христу́ с дары; еубже ко отечеству наставляеми, лютаго детоубийцу оставиша поругана.

И ныне: Испыта Ирод... (Повторить предыдущий тропарь.)

Светилен

Посетил ны естъ свыше Спас наш, Восток востоков, и сущи во тме и сени обретохом истину, ибо от Дёвы родися Господь.

Канон Обрезанию Господню

1 (14) января

Глас 2-й

Песнь 1

Ирмос: Грядите, людие, поим песнь Христу́ Бо́гу, раздельшему море и наставльшему люди, яже изведе из работы египетския, яко прославися.

Припев: Слава Тебѣ, Бѣже наш, слава Тебѣ.

Осмерица дней, носящая образ будущаго, Твоею Христе просвещается и освящается вольною нищетою; в сей бо законно обрезался еси плотию. (*Дважды.*)

Слава: Обрезание приемлет осмодневное Христос Своего Рождества, и сего днесь сень спрягает, свет возсиявая новыя благодати.

И ныне: Обрезание приемлет... (Повторить предыдущий тропарь.)

Песнь 3

Ирмос: Утверди нас в Тебѣ, Гѣсподи, древом умерщвлей грех и страх Твой всади в сердца нас, поющих Тя.

Слѡво воплощенное пресущественное, в престаѣе зако-на обрезаея; начаток же Бѡжественныя благодати, и жизнь нетленныя нам подаде. (*Дважды.*)

Слава: Закона исполнитель, не яко сопротивен Бѡгу сый Христѡс воплотивыйся показася, и сподобися волею обре-затися осмодневен.

И ныне: Закона исполнитель... (*Повторить предыдущий тропарь.*)

Седален, глас 4-й

Яко сый бездна человеколюбия, одеялся еси, Владыко, в зрак рабий и плотию обрезался еси, даруя всем человеком великую Твою милость.

Песнь 4

Ирмос: Услышах, Гѡсподи, слух Твоего смотрения, и прославих Тя, Едине Человеколюбче.

Обрезание преста, отнележе Христѡс волею обрезаея, язык множество спасая благодатию. (*Дважды.*)

Слава: Будущаго непрестанную осмаго века жизнь изображает, в нѡже Владыка обрезаея плотию.

И ныне: Будущаго непрестанную... (*Повторить предыдущий тропарь.*)

Песнь 5

Ирмос: Света подателю, и веков Творче, Гѡсподи, во свете

Твои́х повелений́ настави́ нас; разве́ бо Тебе́ иного́ Бо́га не знаем.

Ты от Дѣвы Матѣре несказанно прошед, Гбсподи, и в человеческий не сподобился еси́ одѣяться образ, яко́ младенецъ законно, законъ исполнил еси́. (*Дважды.*)

Слава: Нощи уподобися, яко́ сень законную любящи Израиля, рождшая, из Неяже облиставши́й светъ мира Христосъ явися.

И ныне: Нощи уподобися... (Повторить предыдущий тропарь.)

Песнь 6

Ирмос: Бездна мя многа греховная окружает, и вопию Ти, пророка подражая: от тли мя, Гбсподи, возведи.

Прият конѣцъ закон, отнележе Христосъ младенствовав, исполнительъ закона сый, обрезание восприят, и разреши законную клятву. (*Дважды.*)

Слава: Субботство, обрезания же шатания еврейскаго, явльшагося Христá мановениемъ преста, и возсия благодати весна.

И ныне: Субботство, обрезания... (Повторить предыдущий тропарь.)

Кондак, глас 3-й

Всех Господь обрезание терпит, и человеческая прегрешения яко Благ обрезует, дает спасение днесь миру; радуется же в вышних и Создателев иерарх и светоносный Божественный таинник Христов Василий.

Песнь 7

Ирмос: Образу златому на поле Деире служиму, трие Твой отроцы небрегоша безбожнаго веления, посреде же огня ввержени, орошаеми пояху: благословен еси, Бже отец наших.

Светло и пресветло Рождество Христово, и будущего обновления подписавшее таинство днесь: яко законным чином Спас обрезывается, не яко Бог, но яко человек, и закона исполнение. (*Дважды.*)

Слава: Закон исполняя закона Творец, плотию днесь волею обрезывается, обрезание содеявая греховныя зимы, и звати даруя: благословен еси, Бже отец наших.

И ныне: Закон исполняя... (Повторить предыдущий тропарь.)

Песнь 8

Ирмос: Неизреченною мудростию составльшаго всяческая Бга Слова, и от не сущих во еже быти приведшаго, благословите дела яко Господа, и превозносите во вся веки.

Во осмый день обрезуется яко младенец

Владыка; Иисуса же приемлет именованіе, яко мира есть Спас и Господь. (*Дважды.*)

Слава: Ко Христову Рождеству достойно осмый спряжеса, святителя всеславная память, юже почитающе верою, поем Господа и превозносим во веки.

И ныне: Ко Христову Рождеству... (Повторить предыдущий тропарь.)

Песнь 9

Ирмос: Яже прежде солнца светильника Бога возсиявшаго, плотски к нам пришедшаго из боку Девичу, неизреченно воплотившая, благословенная, Всечистая, Тя, Богородице, величаем.

Прешед пределы Христос человеческого всего естества, преестественно из Девы рождается; и писаніе законное, яко же повелевает, плотию обрезается, и исполнитель закона является. (*Дважды.*)

Слава: Приидите Владыки славная Христова именованія во святыни торжествуим:

Иисус бо боголепно наречеса днесь. С симиже и память святителя величаем.

И ныне: Приидите Владыки... (Повторить предыдущий тропарь.)

Светилен

Плотию обрезуется, закон исполнивый, яко младенец ос-
модневен, веков Зиждитель и пеленами повивается, яко че-
ловек: и млеко питается, иже вся безмерною крепостию,
яко Бог содержай, и мановением возводяй.

Канон Богоявлению (Крещению Господню)

6 (19) января

Глас 2-й

Песнь 1

Ирмос: Глубины открыл есть дно, и сушею Своя влечет, в ней покрыв противныя, крепкий во бранех Господь, яко прославися.

Припев: Слава, Господи, святому Богоявлению Твоему.

Адама истлевшаго обновляет струями Иорданскими, и змиев главы гнездящихся сокрушает Царь веков Господь, яко прославися. (*Дважды.*)

Слава: Огнем Божества невещественным в плоть вещественну одеаяся, Иорданскою облагается водою, воплощяся от Девы Господь, яко прославися.

И ныне: Скверну омываяй человеков, сим, очищся во Иордане, имже восхотев уподобися, еже бе пребыв, сущия во тьме просвещаяй Господь, яко прославися.

Песнь 3

Ирмос: Крепость давая царем нашим Господь, и рог помазанных Своих вознося, от Девы раждается, грядет же ко крещению. Тому вернии возопием: несть Свят, яко Бог наш.

Неплодная древле и безчадная люте, днесь веселися Христова Церковь: водою бо и Духом сынове тебе родишася, верую взывающе: несть Свят, якоже Бог наш. (*Дважды.*)

Слава: Велиим гласом в пустыни вопиет Предтеча: Христу уготовайте пути, и стези Богу нашему правы соделайте, верую взывающе: несть Свят, якоже Бог наш.

И ныне: Велиим гласом... (Повторить предыдущий тропарь.)

Ипакои, глас 5-й

Егда явлением Твоим просветил еси всяческая, тогда слабое неверия море побеже, и Иордан доле текий возвратися, к небеси возвышая нас: но высоту Божественных заповедей Твоих соблюди, Христе Боже, молитвами Богородицы, и помилуй нас.

Песнь 4

Ирмос: Услышах, Господи, глас Твой, егоже рекл еси, глас вопиющего в пустыни, яко возгремел еси над водами многими, Твоему свидетельствуяй Сыну, весь быв сошедшаго Духа, возопи: Ты еси Христос, Божия Мудрость и Сила.

Очищаемо солнце кто виде, проповедник вопиет, пресветлое естеством? Да Тебѣ водами сияние славы, Отца образ Присносущнаго омыю, и сено сый огню прикоснуса Твоего Божества; Ты бо еси Христос, Божия Мудрость и Сила. (Дважды.)

Слава: Яви Божественное, еже име благоговение

Моисей, прилучився Тебѣ: яко бо из купины Тя возгласивша разуме, абие отврати лице; аз же како Тя увижу ясно? Или како руку положу на Тя? Ты бо еси Христос, Божия Мудрость и Сила.

И ныне: Душевное совершая мудре, и словом почтеный, бездушных стыждуся. Аще бо крещу Тя, клеветна ми есть огнем дымящаяся гора, побегшее же море на двое, и Иордан сей возвративыйся; Ты бо еси Христос, Божия Мудрость и Сила.

Песнь 5

Ирмос: Иисус живота начальник, разрешити осуждение грядет Адама первозданнаго, очищений же яко Бог не требуя, падшаго очищает во Иордане; в немже вражду убив, преимуществъ всяк ум мир дарует.

Сшедшемся без числа людем от Иоанна креститися, сам посреде их ста, провозгласи же предстоящим: кто показа, непокоривии, гнева вам уклонитися хотящаго быти? Плоды

достойны Христу сотворите, предстояй бо ныне мир дарует.
(*Дважды.*)

Слава: Делатель и Зиждитель посреде стояй, яко Един всех сердца испытует; очистительную же лопату рукою прием, всемирное гумно всемудре разлучает, неплодие паля, благоплодным вечный живот дарует.

И ныне: Делатель и Зиждитель... (Повторить предыдущий тропарь.)

Песнь 6

Ирмос: Глас Слобесе, светильник Света, денница Солнца, Предтеча, в пустыни, покайтесь, всем вопиет людем, и предочиститесь: се бо предстоит Христос, от тли мир избавляяй.

Рождся нетленно от Бога и Отца, от Девы кроме скверны воплощается Христос: Ему же ремень, яже от нас слова сочтания, разрешити неудобь учит Предтеча, земнородныя от лести избавляя. (*Дважды.*)

Слава: Огнем крестит конечным Христос противныя, а не Бога мудрствующих Его; Духом же обновляет водою благодати, разумливыя Божества Его, от прегрешений избавляя.

И ныне: Огнем крестит... (Повторить предыдущий тропарь.)

Кондак, глас 4-й

Явился еси днесь вселенней, и свет Твой, Господи, знаме-

нася на нас, в разуме поющих Тя: пришел еси, и явился еси Свет Непрístupный.

Икос

Галилеи язычестей, Завулонстей стране и Неффалимстей земли, якоже рече пророк, свет велик возсия Христос. Омраченным светла явися заря, из Вифлеема облистающая, паче же из Марии Господь, всей вселенной возсиявает лучи, Солнце Правды. Темже иже от Адама назии, приидите вси облечемся в Него, да согреемся; покрывает бо нагия и просвещает темныя. Пришел еси, и явился еси Свет Непрístupный.

Песнь 7

Ирмос: Юноши благочестивыя, печи огненной приобщившиися, шумящ дух росный невредимы сохрани, и Божия Ангела снизхождение. Темже в пламени орошаеми благодарственно воспеваху: препетый отцев, Господи и Бже, благословен еси.

Якоже на небеси с трепетом и чудом предстояху, во Иордане силы Ангельския, смотряюще толика Божия схождения: яко держай превышних вод состав, в водах Плотносец стояше, Бог отцев наших. (*Дважды.*)

Слава: Облак древле и море Божественнаго проображаху крещения чудо, в нихже древнии крестишася, исходяще за-

коннии людие. Море же бе образ воды, и облак – Духа: имиже совершаеми, благословѣн еси, зовем, Гóсподи Бóже, во веки.

И ныне: Все вернии, в Немже совершение прияхом, богословяще немолчно со Ангелы, прославим Отца и Сына и Духа Святаго; се бо Троица Ипостасьми Единосущная, Един же Бог, Емуже поем: благословѣн еси, Гóсподи Бóже, во веки.

Песнь 8

Ирмос: Тайну преславную Вавилонская показа пещь, источившая росу, яко струями имяше невещественный Огнь восприяти Иордан, и объяти плотию крещаема Зиждителя; Егóже благословят людие и превозносят во вся веки.

Отложи страх весь, Избавитель Предтечи рече, Мне же повинися, яко Благому, Мне приступи, сие бо естеством бых. Моим повелением покорися, и крести Мя, сошедшаго, Егóже благословят людие и превозносят во вся веки. (*Дважды.*)

Слава: Глаголы, якоже услыша Креститель, Владычни, с трепетом длань простирает: обаче же рукою коснувся верху Зиждителя своего, Крещемуся вопияше: освяти мя, Ты бо еси Бог мой, Егóже благословят людие и превозносят во вся веки.

И ныне: Троицы явление во Иордане бысть, Самое бо Пребожественное естество Отец возгласи: Сей крещаемый Сын

возлюбленный Мой; Дух же прииде к подобному, Егѡже благословят людие и превозносят во вся веки.

Песнь 9

Ирмос: Недоумеет всяк язык благохвалити по достоянью, изумевает же ум и премирный пети Тя, Богородице. Обаче Благая сущи, веру приими, ибо любовь веси Бѡжественную нашу: Ты бо христиан еси Предстательница, Тя величаем.

Давиде, прииди духом к просвещенным, ныне приступите, пой к Бѡгу верою, глаголя: просветитесь, сей нищий воззва Адам в падении; ибо того услыша Господь, пришед струями Иорданскими, тленнаго же обнови. . (*Дважды.*)

Слава: Исаиа, измыйтеся, очиститесь, глаголет, лукавствия пред Гѡсподем оставите, жаждущии на воду живу идите: кропит бо водою, обновляя Христѡс приступающия к Нему верою, и к животу нестареемому крещает Дѡхом.

И ныне: Соблюдаемся благодатию вернии, и печатию: яко бо губителя бежаша, прага евреи древле окровавлена. Тако и нам исходное Бѡжественное сие, пакибытия баня будет. Отсюда и Трѡицы узрим Свет незаходимый. Светилен Явися Спас благодать и истина во струях Иорданских, и сущия во тьме и сени спящия просветил есть: ибо прииде, явися Свет непреступный.

Канон Сретению Господню

2 (15) февраля

Глас 3-й

Песнь 1

Ирмос: Сушу глубородительную землю солнце нашествова иногда, яко стена бо огусте обаполы вода, людем пешомореходящим, и богоугодно поющим: поим Гбсподеви, славно бо прославися.

Прпев: **Слава Тебѣ, Бѣже наш, слава Тебѣ.**

Да каплют воду облацы, солнце бо на облаце легче носимо настало есть, на нетленную руку, Христос в церкви, яко младенец. Темже, вернии, возопиим: поим Гбсподеви, славно бо прославися. (*Дважды.*)

Слава: Крепитесь руце Симеони старостию ослабленнии, лыста же претружденна старча, правобыстро движитася Христу на сретение, лик со безплотными составляше, поим Гбсподеви, славно бо прославися.

И ныне: Разумом простертыя небеса веселитесь, и радуйся, земле: из пребожественных бо недр хитрец прошед Христос, Материю Девой Богу Отцу приносится Младенец, иже прежде всех: славно бо прославися.

Песнь 3

Ирмос: Утверждение на Тя надеющихся, утверди, Гóсподи, цѣрковь, юже стяжал еси честною Твоею крóвию.

Перворожден из Отца прежде век, перворожден Младенец из Дѣвы нетленная, Адаму руку простирая явися. (*Дважды.*)

Слава: Младоумна бывша прелестию первозданного паки исправляяй Бог Слово, младенствовав явися.

И ныне: Земли исчадие, паки потекшее в ню, Бóжества сообразное естество Зиждитель, яко непреложне, младенствовав яви.

Седален, глас 4-й

На горе Синайстей древле виде Моисей задняя Бóжия, и тонкий Бóжественнымъ глас сподобися во мраце же и вихре слышати: ныне же

Симеон воплощеннаго Бóга, непреложне нас ради на руки прият, и радостно тщашеся ити от сущих zde к животу вечному. Темже вопияше: ныне отпускаеши раба Твоего, Владыко.

Песнь 4

Ирмос: Покрыла есть небеса добродетель Твоя, Христѣ, из кивота бо прошед, святыни Твоея нетленная Матере, в храме славы Твоея явился еси, яко Младенец руконосим:

и исполнишася вся Твоего хваления.

Радуйся, Симеоне, неизреченных таинниче, Богородица вопияше, о немже от Святаго древле известися тебе Духа, младенствовавшего вся твоего хваления. *(Дважды.)*

Слава: На негоже уповал еси, Симеоне, возраст детищный радуяся подыми Христа, Израиля божественнаго утешение, закона Творца и Владыку, исполняющаго закона чин, зовый Ему: исполнишася вся Твоего хваления.

И ныне: Видя Симеон слово Безначальное, с плотию яко на престоле херувимстем Девею носимо, виновнаго еже быти всяческих, яко младенцу дивяся вопияше Ему: исполнишася вся Твоего хваления.

Песнь 5

Ирмос: Яко виде Исаия образно на престоле превознесе на Бога, от ангел славы дориносима, о окаянный, вопияше аз: провидех бо воплощаема Бога, Света невечерня, и миром владычествующа.

Разумев божественный старец проявленную древле про-року славу, руками Слово зря Матерними держимо: о, радуйся, вопияше, Чистая, яко престол бо держиши Бога, Света невечерняго, и миром владычествующа. *(Дважды.)*

Слава: Поклонься старец, и стопам Бже ственне прикоснувся неискусобрачныя и Богоматере: огонь, рече, носиши

Чистая, Младенца боюся объяти Бѣга, Света невечерняго, и миром владычествующа.

И ныне: Очищается Исаиа от Серафима уголь прием, старец вопияше Богоматери: Ты якоже клещами руками просвещаеши мя, подавши Егѣже носиши, Света невечерняго, и миром владычествующа.

Песнь 6

Ирмос: Возопи к Тебѣ видево старец очима спасѣние, еже людем прииде от Бѣга Христѣ, Ты Бог мой.

Сиону Ты камень возложился еси, непокоривым претыкание, и соблазна камень: нерушимое верных спасѣние. (*Дважды.*)

Слава: Известне нося начертание, иже прежде век Тя израстившаго, земных за милосердие ныне немощию обложися.

И ныне: Сыну Вышняго, Сыну Дѣвы, Бѣгу отрочати бывшему, поклоншася Тебѣ, ныне отпусти с миром.

Кондак, глас 1-й

Утробу Девичу освятивый рождеством Твоим, и руце Симеоне благословивый, якоже подобаше, предварив, и ныне спасл еси нас, Христѣ Бѣже: но умири во бранех жительство и укрепи люди, ихже возлюбил еси, Едине Человеколюбче.

Икос

К Богорóдице притецем, хотящи Сы́на Ея видети, к Симеону носима, Егóже с небесе безплотнии видяще, дивляхуся глаголюще: чудная зрим ныне и преславная, непостижимая, несказанная. Иже бо Адама создавый, носится я́ко младенец: Невместимый вмеща ется на руках старчих: иже в недрах неописанных Сый Отца́ Своегó, волею описуется плотию, а не Бóжеством, един Человеколюбец.

Песнь 7

Ирмос: Тебé во огни оросившаго отроки богословившия, и в Деву нетленну всельшагося, Бóга Сло́во поим, благочестно поюще: благословéн Бог отец наших.

Адаму известити хотяй иду, во аде живущу, и Еве принести благовестие, Симеон вопияше, со пророки ликуя: благословéн Бог отец наших. (*Дважды.*)

Слава: Рода земна избавляяй Бог, даже до ада приидет: пленным же подаст всем оставление, и прозрение слепым, я́ко и немым вопити: благословéн Бог отец наших.

И ныне: И Твоé сёрдце, Нетленная, оружие пройдет, Симеон Богорóдице провозгласи, на кресте зрящи Твоегó Сы́на, Емуже вопием: благословéн Бог отец наших.

Песнь 8

Ирмос: Нестерпимому огню соединившеся, благочестия

предстояще юноши, пламенем же невреждени, Божественную песнь пояху: благословіте вся дела Господня Господа, и превозносите во вся веки.

Людие Израилевы, Твою славу Еммануила, зряще Отроча из Девы, пред лицом Бже ственнаго ковчега ныне ликуйте: благословіте вся дела Господня Господа, и превозносите во вся веки. *(Дважды.)*

Слава: Се Симеон вопияше, пререкаемое знамение Сей будет, Бог сый и отроча. Сему вернии возопиим: благословіте вся дела Господня

Господа, и превозносите во вся веки.

И ныне: Живот сый, Сей будет падение непокоривым, младенствовав Бог Слово, яко востание всем верою поющим: благословіте вся дела Господня Господа, и превозносите во вся веки.

Песнь 9

Ирмос: В законе сени и писаний образ видим вернии: всяк мужеский пол, ложесна разверзая, свят Богу. Тем Первожденное Слово Отца Безначальна, Сына Первородящаяся Материю неискусомужно, величаем.

Иже древним новорожденных горличищ супруг, двоице же бяше птенцев, в нихже место божественный старец, и целомудренная Анна пророчица, от Девы рожденному, и Сыну

Единородному Отчу, в цѣрковь приносиму, служат величающе. *(Дважды.)*

Слава: Воздал еси́ мне, вопияше Симеон, спасения Твоего́, Христѣ, радование, восприими

Твоего́ служителя сению претружденнаго, новая благодати священнопроповедника тайнаго, во хвалении величающа.

И ныне: Священнолетно исповедашеся Анна прорицающи, целомудренная и преподобная, и старица Влады́це, в церкви явственно: Богорóдицу же проповедающе всем сущим величаше.

Светилен

Ду́хом во святилище представ старец на руки восприят закона Владыку, вопия: ныне союз мя плотских разреши, якоже рекл еси́, с миром: видех бо очима откровение языков, и Израилю спасе.

Канон Входу Господню в Иерусалим

Воскресенье перед Пасхой (Вербное)

Глас 4-й

Песнь 1

Ирмос: Явишася источницы бездны, влаги непричастны, и открышася моря волнующася основания бурей: манием бо запретил еси ему, изрядныя же люди спасл еси, поющия победную песнь Тебе, Господи.

Приве: Слава Тебе, Боже наш, слава Тебе.

Из уст младенец незлобивых, и ссущих, хвалу Твоих раб совершил еси, разрушити супостата, и отмстити страстию Креста, падение древняго Адама, деревом же воскресити сего, поюща победную песнь Тебе, Господи. (*Дважды.*)

Слава: Хваление Церковь преподобных, живущему в Сионе, Тебе, Христе, приносит: Израиль же о Тебе, Творце своем, радуется: и горы языцы противоположности каменосердечнии, от лица Твоего возвеселишася, поюще победную песнь Тебе, Господи.

И ныне: Хваление Церковь... (Повторить предыдущий тропарь.)

Песнь 3

Ирмос: Точащий краесекомый повелением Твоим, твердый ссаша камень израильтестии людие. Камень же Ты еси, Христэ, и Жизнь, на Немже утвердися Церковь зовущая: осанна, благословен еси Грядый.

Мертвеца четверодневна повелением Твоим, из мертвых с трепетом ад испусти Лазаря. Воскресение бо Ты, Христэ, и Жизнь, в Немже утвердися Церковь зовущи: осанна, благословен еси Грядый. (*Дважды.*)

Слава: Воспойте людие боголепно в Сионе, и молитву воздадите Христу во Иерусалиме.

Сам грядет во славе со властью, в Немже утвердися Церковь зовущи: осанна, благословен еси Грядый.

И ныне: Воспойте, людие... (Повторить предыдущий тропарь.)

Ипакои, глас 6-й

С ветвьми воспевше прежде, с древесы последи яша Христа Бога неблагодарнии иудее. Мы же верою непреложною присно почитающе яко Благодетеля, всегда возопиим Ему: благословен еси, Грядый Адама воззвати.

Песнь 4

Ирмос: Христос грядый явствененно Бог наш, придет и не закоснит, от горы приосененныя чащи, Отроковицы ражда-

ющая неискусомужныя, пророк древле глаголет. Темже вси вопием: слава силе Твоёй, Гóсподи.

Да точат веселие крепкое мастительное горы, и вси холми, и древа дубравная да възиграют: Христа хвалите языцы, и Тому вси людие радующесе възопийте: слава силе Твоёй, Гóсподи. (*Дважды.*)

Слава: Крепостию веки царствуяй Господь, облечен придет, Сего красоты и славы, несравненно есть благолепие в Сионе. Темже вси вопием: слава силе Твоёй, Гóсподи.

И ныне: Пядию измеривый небо, дланию же землю, Господь, прииде: Сион бо избра, в немже жити и царствовати изволи, и возлюби люди, верно вопиющия: слава силе Твоёй, Гóсподи.

Песнь 5

Ирмос: На гору Сион възиди благовествуяй, и Иерусалиму проповедуяй, в крепости вознеси глас: преславная глаголашася о тебе, граде Бóжий. Мир на Израиля, и спасение языком.

В вышних седяй на Херувимех Бог, и призираяй на смиренная, Той грядет во славе со областию, и исполнятся всяческая Бóжественными хвалы Его. Мир на Израиля, и спасение языком. (*Дважды.*)

Слава: Сионе Бóжий, горо святая, и Иерусалиме, окресточи твои возведи, и виждь собранная чада твоя в тебе: се

бо приидоша издалеча, поклонитися Царю твоему. Мир на Израиля, и спасение языком.

И ныне: Сионе Божий... (Повторить предыдущий тропарь.)

Песнь 6

Ирмос: Возопиша с веселием праведных души: ныне миру Завет Новый завещается, и кроплением да обновятся людие Божия Крове.

Приими, Израилю, Божие Царство, и пребываяй во тьме, свет да узрит великий, и кроплением да обновятся людие Божия Крове. *(Дважды.)*

Слава: Разрешены своя юзники Сионе испусти и от рова неведения безводна изведи, и да обновятся людие кроплением Божественнымя Крове.

И ныне: Разрешены своя... *(Повторить предыдущий тропарь.)*

Кондак, глас 6-й

На престоле на небеси, на жребяти на земли носимый, Христэ Боже, от Ангел хваление и детей воспевание приял еси зовущих Ти: благословен еси, Грядый Адама воззвати.

Икос

Понеже ада связал еси, Безсмертне, и смерть умертвил еси, и мир воскресил еси, с ваиами младенцы восхваляху Тя,

Христѣ, яко Победителя, зовуще Ти днесь: осанна Сыну Давидову. Не кому бо, рече, заклани будут младенцы, за Младенца Мариина: но за вся младенцы и старцы, Един распинаешися. Не кому на нас вместится меч, Твоя бо ребра прободутся копием. Темже радующесе глаголем: благословѣн, Грядый Адама воззвати.

Песнь 7

Ирмос: Спасый во огни Авраамския Твоя отроки, и халдеи убив, аже правда праведно уловляху, препетый Гбсподи Бже отец наших, благословѣн еси.

Поклоняющесе людие, и со ученики радующесе, с ваием, осанна Сыну Давидову зовяху, препетый Гбсподи Бже отец, благословѣн еси. (*Дважды.*)

Слава: Неискусозлобное множество, еще младенствующее естество, боголепно Тя, Царю

Израилев и Ангельский, воспет: препетый Гбсподи Бже отец, благословѣн еси.

И ныне: С ваием Тя Христѣ, ветвymi похваляху множества: благословѣн пришедый Царь веков. Вопияху же: препетый Гбсподи Бже отец, благословѣн еси.

Песнь 8

Ирмос: Веселися, Иерусалиме, торжествуйте, любящии Сиона: царствуяй бо во веки Господь сил прииде, да благо-

говеет вся земля от Лица Его, и да вопиет: благословіте вся дела Господня Господа.

На жребя младо всед Царь твой Сионе, предста Христос: безсловесное бо идольское прельщение разрушити, и неудержанное стремление устави́ти всех язык прииде, во еже пети: вся дела пойте Господа. (*Дважды.*)

Слава: Радуйся, Сионе, зело: Бог твой воцарися во веки Христос. Сей, якоже писано есть, кроткий и спасаая, праведный Избавитель наш, прииде на жребяти, конское свирепство убити врагов, не вопиющих: благословіте вся дела Господня Господа.

И ныне: Оскудевает Божественных ограждений, законопреступное сонмище непокоривых, понеже дом молитвы Божия, вертеп сотвориша разбойническ, от сердца Избавителя отринувше, Ему же вопием: благословіте вся дела Господня Господа.

Песнь 9

Ирмос: Бог Господь, и явися нам, составите праздник, и веселящися приидите, возвеличим Христа, с ваиами и ветвями, песнями зовуще: благословен Грядый во имя Господа Спаса нашего. Языцы, вскую шатаетесь? Писменницы и священницы, почто тщетным поучитесь, рекше: кто Сей, Ему же дети с ваием и ветвями, песнями зовут: благословен Грядый во имя Господа Спаса нашего. (*Дважды.*)

Слава: Сей Бог наш, Ему же никто же подобен, праведный всяк путь изобрет, даде возлюбленному Израилю: по сих же с человеки поживе явлься. Благословен Грядый во имя Гóспода Спаса нашего.

И ныне: Соблазны стези, что близ вас положисте непокоривии? Ноги ваша скоры кровь излияти Владычню. Но воскреснет всяко спасти зовущия: благословен Грядый во имя Гóспода Спаса нашего.

Канон в Неделю Святой Пасхи

Глас 1-й

Песнь 1

Ирмос: Воскресения день, просветимся, людие: Пасха, Господня Пасха! От смерти бо к жизни и от земли к небеси, Христос Бог нас преведе, победную поющия.

Приве: **Христос воскрес из мертвых.**

Очистим чувства, и узрим непреступным светом Воскресения, Христа блистающая, и радуйтесь, рекуща, ясно да услышим, победную поюще.

Небеса убо достойно да веселятся, земля же да радуется, да празднует же мир, видимый же весь и невидимый, Христос бо воста, веселие вечное.

Иный канон, Богородичен, подобен.

Слава: Умерщвления предел сломила еси, вечную жизнь рождшая Христа, из гроба возсиявшего днесь, Дево Всенепорочная, и мир просветившаго.

И ныне: Воскресшаго видевши Сына Твоего и Бога, радуйся со апостолы, Богоблагодатная Чистая: и еже радуйся первее, яко всех радости вина, восприяла еси, Богомати Всенепорочная.

Песнь 3

Ирмос: Приидите, пиво пием новое, не от камене неплод-на чудеемое, но нетления источник, из гроба одождивша Христа́, в Немже утверждаемся.

Ны́не вся исполнишася света, небо же и земля и преиспод-няя: да празднует убо вся тварь востание Христо́во, в немже утверждается.

Вчера спогребохся Тебе́, Христé, совостаю днесь воскрес-шу Тебе́, сраспинахся Тебе́ вчера, Сам мя прослави, Спа́се, во Царствии Твоём.

Слава: На нетленную жизнь прихожду днесь благостию рождшагося из Тебе́, Чистая, и всем концем свет облистав-шаго.

И ныне: Бóга, Егóже родила еси́ плотию, из мертвых, я́ко-же рече, воставша видевши, Чистая, ликуй, и Сего́ я́ко Бóга, Пречы́стая, возвеличай.

Ипакои, глас 4-й

Предварившия утро яже о Марии, и обретшия камень от-вален от гроба, слышаху от Ангела: во свете присносущем Сушаго, с мертвыми что ищите я́ко челове́ка? Видите гроб-ные пелены, тецыте и миру проповедите, я́ко воста Господь, умертвивый смерть, я́ко есть Сын Бóга, спасающаго род че-ловеческий.

Песнь 4

Ирмос: На Божественной стражи, богоглаголивый Аввакум да станет с нами и покажет светоносна Ангела, ясно глаголюща: днесь спасение миру, яко воскресе Христос, яко Всесилен.

Мужеский убо пол, яко разверзый Девственную утробу, явился Христос, яко человек же, Агнец наречеса, непорочен же, яко невкусен скверны, наша Пасха, и, яко Бог истинен, совершен речеса.

Яко единолетний агнец, благословенный нам венец Христос, волею за всех заклан бысть, Пасха очистительная, и паки из гроба красное правды нам возсия Солнце.

Богоотец убо Давид пред санным ковчегом скакаше играя, людие же Божии святии, образов сбытие зряще, веселимся Божественне, яко воскресе Христос, яко Всесилен.

Слава: Создавый Адама Твоего праотца, Чистая, зиждется от Тебе, и смертное жилище разори Своею смертию днесь, и озари вся Божественными блистаньями Воскресения.

Конец ознакомительного фрагмента.

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.